

後山居士文集

三

後山居士文集卷第五

陳師道無已

詩一百三首

寄泰州曾侍郎

八年門第故違離千里河山費夢思  
淮海風濤具有道麒麟圖畫豈無時  
今朝有客傳河尹是處逢人說項斯  
三徑未成心已具世間惟有白鷗知

荅顏生見寄

闕然車馬不聞音行路艱危已備更求  
舍問田真得計臨流據石有餘清江山  
滿目開新卷韋杜諸人得細評閑處着  
身容我老忙中見記識君情

和黃預七夕

盈盈一水不斯須經歲相過自作踈坐  
待翔禽報佳會徑須飛雨洗香車超騰  
水部陳篇上收拾愚溪作賦餘信有神  
仙足官府我寧辛苦守殘書

贈鄭戶部

十載歸來遼海東  
江山如舊里閭空  
時平未覺身難遇  
學贍依然說不窮  
看繡畫行真細事  
下車磬折得深衷  
聖朝未有徐州相  
剩作功名跨數公

世稱青州王相濮州

李相而吾州自開國至今才劉李二公為執政爾

九日不出魏衍見過

九日登臨迫閉藏  
老懷無恨自淒涼  
山頭落帽風流絕  
壁面稱詩語笑香

南二山

石謝詩  
衝雨肯來尋此老  
拂床聊待熟黃

梁獨無樽酒爲君壽  
正使秋花未肯黃

是日  
無菊

### 送魏衍

積雨斷行路  
重江未安流  
胡爲習艱險  
迫此米帛謀  
歲晏風作橫  
未寬爲子憂  
卒然託異縣  
所得如所求  
主人如古人  
待士禮亦優  
人情樂新知  
豈不懷舊丘  
我貧無四壁  
愛爾胡能留  
子也尚不容

吾代諸公羞勿去百里遠已作千山愁  
念子捨我去誰復從我遊諸石吾未識  
因子卜可不能此已可尚終焉致綢繆

送河間呂令

今日中年令當年太守孫獨能憐此老  
肯避席爲門寒日風濤壯邊城簿領繁  
平生子曾子白首得重論

次韻何子溫祈晴二首

夜半風回雨脚收萬家和氣與雲浮蕭

條寒巷荒三徑突兀晴空聳二樓勝日  
登臨輕一醉下鄉昏墊肯同憂江空峽  
響魚龍落盡放青青極目秋

九虎當關信不傳燒煙才上巳回天驅  
除霧雨還朝日畜縮濤波復二川奪目  
光華開秀句堆場藁秭驗豐年從今更  
上中和頌少費將軍九萬錢

寄潭州張芸叟二首

湖嶺一都會西南更上游秋盤堆鴨脚

春味薦貓頭宣室來何莫蒸池得借留  
孰知爲郡樂莫作越鄉憂

去國如前日爲邦得舊游霜甘先落手  
春鴈幾回頭只道風沙惡寧知賈宋留  
賦詩真有助弔古不同憂

送曹秀才

甲第衣冠後東遷歲月侵情親期一諾  
急病關千金孰並還家樂毋忘在莒心  
時能記衰疾聲迹到雲林

送王元均貶衡州兼寄元龍二

首

先生英氣蓋區中  
命與仇謀得老窮  
又見長身有家法  
可辭短簿怒吾公  
石頭路滑行能速  
宣室歸來語未終  
宛洛風塵莫回顧  
直須留眼送歸鴻

先生秀句滿天東  
二子緣渠再得窮  
詩禮向來堪發冢  
孫劉能使不爲公  
炎方瘴癘避軒豁  
故國山河開始終  
傳語元

龍要相識江湖春動有來鴻元龍亦  
謫金陵

杜侍郎挽詞三首

美政真吾母名家更杜陵  
于張從昔少魯衛至今稱  
絲竹中年好詞華夙世能  
周南棠棣傳平世幾人登

驥馱方懷遠松筠忽有秋  
雍容名士數終始法家流  
凜凜驚千載堂堂闕一丘  
能令牟季子不肯過西州

身去風流在人難玉石分  
平生才一見

治行已多聞更覺知音少還修地下文  
他年九原淚仍是兩馮君

黃無悔挽詞四首

敏慧仍江夏風流更妙年貧焚酒家券  
病得里胥錢精爽來鷹隼清明瀉澗漚  
無兒傳素業有淚徹黃泉

骨秀神仙數詩清雅頌才識高懸日月  
韻勝脫塵埃去就堪同事摧殘盡一哀  
了知天上去不似世間來

志大期千里身宜置一丘  
英詞真蓋世爽氣已橫秋  
地要黃金骨天成白玉樓  
平生斲泥手斤斧恐長休

玉筋凝潮後絲桐藝業餘  
遠塗憎早悟曠度得中踈  
子逝今何遽吾生孰與居  
豈無文士傳未有茂陵書

秋懷四首

積雨不受暑旣晴還得秋  
未免困河魚寧如喘吳牛  
風梧有先聲巢燕無後留

人生行樂爾一經今白頭

小雨斷復續回斜落晚風寒心生蟋蟀  
秋色傍梧桐州與遙山碧花欺晚照紅  
口須談世事自巳失飛鴻

山斷開平野河回殺急流登臨湏向夕  
風雨更宜秋急急後飛鴈翩翩不下鷗  
晚舟猶小待莫雀已深投

梨埒當千戶漁防擁萬頭寧湏一網盡  
不爲百人留密雨點急水驚風擘繫舟

百年供轉徙因病得夷猶

送法寶禪師

平生夫鐵脚道價喧宇宙望禮東南雲  
吾今獨何後晚始識其子瑤林一枝秀  
初聞飲光笑復作空生瘦今年退後禪  
袖手不肯又真成菩薩魔未免化城咎  
白月懸清光大鍾得辭扣知止一何勇  
隨緣豈無復豐臺兩禪子三請期一覲  
翩然挈瓶盂百里徃相就古寺風雨餘

觸目初邂逅夙昔有靜緣歡然宛如舊  
教我早自異業成誰得救世故已備嘗  
躑躅復何候鑛火勿停手時來自渠透  
慙勤禮白足吾爲大山溜

贈趙奉議

爲惠不必廣但問與者誰受施何用多  
名義以爲資平生師友間四海參寥師  
一窮無四壁百代有千詩再逐越淮江  
三年魯中歸初無贊公色不異淨名衣

才如得風鷁已復觸藩羝路貧誰肯憐  
語妙君所知我往立談間歛若白受緇  
迺知仁者聽不待辛苦詞趙侯名教士  
勁氣噴長蜺論吐天下公而合吾所私  
明窻弄文墨妍語含英姿要與識者論  
且避羣兒癡舊好無新功終年此交綏  
未湏堅百戰當即建降旗

元日雪二首

半夜風如許平明雪皓然簾疎穿瑣細

三  
竹壓更嬋娟  
窟兔走留跡  
飢烏鳴乞憐  
遙忻炎海上  
還復得新年

度臘闕三白  
開正還積陰  
炊煙茅舍濕  
噪雀莫枝深  
短髮千方誤  
中年萬里心  
成書着巖穴  
或有後人尋

次韻黃生

入竹投窻夜  
有聲似違殘  
臘作初正三  
更爽氣侵危  
坐萬里回風  
逼發生呵筆  
小吟撩我老  
閉門高卧見  
君情只今剩